

S-DU YÜÔ-KÔH-GO SHÛ-SING. 使徒雅各個書信

Yk. I.

JING-MING teng Cü Yiæ-su Kyi-toh-go nu-boh, Yüô-kôh, *sia sing* peh sæn-k'æ-kæn-go jih-nyi ts-p'a, ts'ing-ts'ing en.

神明等主耶穌基督個奴僕，雅各，寫信撥散開間個十二支派，請請安。

² NGÔ-GO hyüong-di, ng-lah tsao-djôh yiu-ho 'ao-su s-lin-go næn-deo, *tu* kæ sön z hwun-hwun-hyi-hyi z-ken: ³ ing-we hyiao-teh keh s-s ng-lah siang-sing go s-fah z we sang-c'ih jing-næ læ. ⁴ Tsih iao keh-go jing-næ tso dzing-kong, s-teh ng-lah *tso-nying* djün-be jih-tsôh, ih-ngæn feh ky'üih.

² 我個兄弟，爾拉遭着有夥號數試煉個難頭，都該算是歡歡喜喜事幹。³ 因為曉得箇試試爾拉相信個試法是會生出忍耐來。⁴ 只要箇個忍耐做成功，使得爾拉做人全備十足，一眼弗缺。

⁵ Ng-lah cong-nyiang ziah yiu nying ky'in ts'ong-ming, tông-kæ gyiu-gyiu Jing-ming; ziu we teh-djôh: Jing-ming z we kw'un-'ong du-liang s *eng-we* peh cong-nying, yia tsæ-ve p'i-bing gyi. ⁶ Tsih-z ky'i gyiu, kæ yüong siang-sing-go sing, ih-ngæn m-nao nyi-'ôh: nyi-'ôh-go cü-kwu k'o-pi hæ-li-go lông, be fong c'ü-dong, dông-læ-dông-ky'i. ⁷ Keh-cü-ka nying hao-vong siang teh-djôh Cü soh-go *eng-we*. ⁸ Nyi-'ôh peh-kyüih-go cü-kwu, gyi væn-pah sô tso z-ken tu m-ding-go.

⁵ 爾拉中央若有人欠聰明，當該求求神明；就會得着。神明是會寬宏肚量賜恩惠撥衆人，也再膾批評其。⁶ 只是去求，該用相信個心，一眼嚟得好疑惑。疑惑個主顧可比海裏個浪，被風吹動，盪來盪去。⁷ 箇株介人好留想得着主啥個恩惠。⁸ 疑惑不決個主顧，其凡百所做事幹都嚟定個。

⁹ Ti-vi-go hyüong-di we-leh kyü-zông kao-deo hao ^[1]kao-hying: ¹⁰ yiu-lao cü-kwu we-leh kông-lôh ti-vi yia hao ^[1]kao-hying; ing-we gyi iao ko-ky'i, tsing-ziang ts'ao-li-go hwô ka. ¹¹ Nyih-deo ih c'ih, yiu ho-nyih-go *fong c'ü-læ*, ts'ao ziu ken-kw'u, hwô ziu t'eng-lôh, gyi hao-k'en-go siang-mao tu siao-mih-de: yiu-lao cü-kwu tso-nying yia we z-ka sæ-ba.

⁹ 低微個兄弟爲了舉上高頭好高興^[1]。¹⁰ 有佬主顧爲了降落低微也好高興^[1]；因爲其要過去，正像草裏個花介。¹¹ 日頭一出，有火熱個風吹來，草就乾枯，花就褪落，其好看個相貌都消滅了。有佬主顧做人也會是介衰敗。

[1] 'Oh wô, kw'ô-k'eo. 或話，誇口。（原註）

¹² Ziu-leh s-lin-go næn-deo we jing-næ go nying tao yiu foh-ky'i: ing-we yikying s-c'ih-liao-go pih-ding teh-djôh weh-ming-go bing-t'in-kwun; ziu-z Cü sô ing-hyü peh keh-sing æ-kying Gyi go cü-kwu.

¹² 受了試煉個難頭會忍耐個人倒有福氣。因為已經試出了個必定得着活命個平天冠；就是主所應許撥箇星愛敬其個主顧。

¹³ Ziu mi-'ôh go cü-kwu m-nao wô, Ngô z be Jing-ming sô mi-'ôh: ing-we Jing-ming tsæ-ve be ôh z-ken mi-'ôh, Gyi-zi yia feh we mi-'ôh nying-kô. ¹⁴ Væn-pah ziu mi-'ôh go cü-kwu tu z be zi-go s-yüôh sô ta-diao, sô ying-yiu go. ¹⁵ Keh s-yüôh fah-dong, ziu sang-c'ih ze læ; keh-go ze dzing-kong, ziu sang-c'ih si læ.

¹³ 受迷惑個主顧嚟得好話，我是被神明所迷惑。因為神明再膾被惡事幹迷惑，其自也弗會迷惑人家。¹⁴ 凡百受迷惑個主顧都是被自個私慾所帶掉，所引誘個。¹⁵ 箇私慾發動，就生出罪來；箇個罪成功，就生出死來。

¹⁶ Ngô ts'ing-æ-go hyüong-di, m-nao long-ts'o: ¹⁷ væn-pah hao tong-si, væn-pah djün-be tong-si, tu z dzong zông-deo kwông-ming-go T'in-Vu s-lôh-læ; Gyi z ih-ngæn m-kao pin-yih, 'ao-vu keng-kæ go. ¹⁸ Jing-ming tsiao Gyi-zi-go cü-i yüong tsing dao-li sang ah-lah c'ih-læ, s-teh ah-lah læ Gyi væn-pah sô zao go li-hyang we ziang zông-sing ko-ts.

¹⁶ 我親愛個兄弟，嚟得好弄錯。¹⁷ 凡百好東西，凡百全備東西，都是從上頭光明個天父賜落來；其是一眼嚟告變易，毫無更改個。¹⁸ 神明照其自個主意用真道理生阿拉出來，使得阿拉來其凡百所造個裏向會像嘗新果子。

¹⁹ Ka-ni, ngô ts'ing-æ-go hyüong-di, ng-lah kôh-nying yüong kw'a-kw'a t'ing, mæn-tin kông, mæn-tin sang-ky'i: ²⁰ ing-we nying-go ky'i-nao feh neng-keo dzing-dziu Jing-ming-go kong-yi. ²¹ Sô-yi kæ t'eh-diao ih-ts'ih-go ẁe-u teng kah-c'ih-læ-go ôh-doh, yüong ti-sing-siao-i ky'i tsih-ziu sing-li sô cong-tih go dao-li, ziu-z neng-keo kyiug weh-ling go.

¹⁹ 介呢，我親愛個兄弟，爾拉各人用快快聽，慢點講，慢點生氣。²⁰ 因為人個氣惱弗能夠成就神明個公義。²¹ 所以該脫掉一切個穢污等溢出來個惡毒，用低聲小意去接受心裏所種的個道理，就是能夠救爾活靈個。

²² M-nao zi p'in zi, tæen-tsih tso t'ing-meng dao-li go nying; z iao i-leh keh dao-li ka ky'i tso. ²³ Ing-we væn-pah t'ing-meng dao-li feh ky'i tso go cü-kwu, k'o-pi ih-go nying læ kying-ts li-hyang k'en zi-go min-k'ong: ²⁴ k'en-ko-ts ky'i-de, ziu lih-k'eh mông-kyi gyi-zi-go siang-mao z dza-go. ²⁵ Dæn-z we kong-leh-deo k'ao-

kyiu keh djün-be hao sih-fông *nying* go lih-fah, dziang-t'ong siu-djü gyi, feh z t'ing-ko ziu mông-kyi-go, z i-leh gyi ka tso-go, keh-go nying, gyi ^[1]sô tso z-ken tao yiu foh-ky'i.

²² 嘸得好自騙自，單只做聽聞道理個人；是要依勒箇道理介去做。²³ 因爲凡百聽聞道理弗去做個主顧，可比一個人來鏡子裏向看自個面孔。²⁴ 看過仔去了，就立刻忘記其自個相貌是咋個。²⁵ 但是會拱勒頭考究箇全備好釋放人個律法，長通守住其，弗是聽過就忘記個，是依勒其介做個，箇個人，其所做事幹^[1]倒有福氣。

[1] 'Ôh wô, ka læ-tih tso. 或話，介來的做。（原註）

²⁶ Ng-lah-go cong-nyiang ziah yiu nying sôn z gyin-dzing cü-kwu, feh cü-voh gyi zih-deo z zi p'in zi-go sing, gyi-go gyin-dzing z hyü-go. ²⁷ Læ Jing-ming keh-we T'in-Vu-go min-zin kyih-zing m-yüô-tin-go gyin-dzing, ziu-z, ky'i k'en-kwu kwu-r kwô-vu læ gyi-lah wæn-næn z-'eo, ping-ts'ia yüong zi tso-gyi feh tæñ-djôh shü-kæn-zông-go tsih-le.

²⁶ 爾拉個中央若有人算是虔誠主顧，弗制服其舌頭是自騙自個心，其個虔誠是虛個。²⁷ 來神明箇位天父個面前潔淨嘸瑕點個虔誠，就是，去看顧孤兒寡婦來其拉患難時候，並且用自做忌弗鑒着世間上個漬沫。

Yk. II.

Ngô-go hyüong-di, ng-lah siang-sing keh-we yüong-wô-go Yiæ-su Kyi-toh ah-lah Cü, siu-djü Gyi-go dao-li, m-nao p'in-dæ nying-kô. ² Ziah yiu nying ta-leh kying ka-ts, c'ün-leh üong-üong i-zông, tseo-tsing ng-lah we-dông-li, yia yiu ih-go gyüong-nying i-sæn læn-li tseo-tsing-læ; ³ ng-lah we tsiao-tsih keh-go c'ün üong-üong i-zông cü-kwu, teng gyi wô, "Ng ts'ing zo læ hao-tin u-sen;" yi teng keh-go gyüong-nying wô, "Ng lih læ keh-deo, 'ôh-tsia zo læ dông-deo ngô kôh-kyiah-teng-'ô:" ⁴ ka-ni, ng-lah ky'i feh-z yiu p'in-ky'üoh-sing, yüong ôh-go nyiæn-deo ky'i feng-pih ma?

我個兄弟，爾拉相信箇位榮華個耶穌基督阿拉主，守住其個道理，嘸得好偏待人家。² 若有人帶勒金戒指，穿勒雍雍衣裳，走進爾拉會堂裏，也有一個窮人衣衫襤褸走進來；³ 爾拉會招接箇個穿雍雍衣裳主顧，等其話，「爾請坐來好

點烏碎;」又等箇個窮人話,「爾立來箇頭,或者坐來蕩頭我攔腳凳下。」⁴ 介呢,爾拉豈弗是有偏曲心,用惡個念頭去分別嗎?

⁵ Ngô ts'ing-æ-go hyüong-di, yüong t'ing Jing-ming næn-dao m-neh kæn-shün shü-kæn-zông-go gyüong-nying, peh gyi siang-sing-go sing fu-tsôh, hao tsih-djôh Gyi koh-kô-go ts'æn-nyih; ziu-z Gyi sô ing-hyü peh keh-sing æ-kying Gyi cü-kwu go? ⁶ Næn-kæn ng-lah z k'en-ky'ing gyüong-nying. Keh-sing yiu-lao næn-dao feh-z ah-shü ng-lah, t'o ng-lah tao ngô-meng-li ky'i ma? ⁷ Ng-lah ts'ing we Kyi-toh-go meng-du; gyi-lah næn-dao feh-z pông-hwe keh tseng-djong-go ming-deo ma? ⁸ Sing-shü sô wô, "Tông-kæ æ-sih ng-go ling-sô-ko ziang zi ih-ying," keh-diao ting tseng-djong-go lih-fah, ng-lah ziah pao-siu gyi, ziu hao-de. ⁹ Ng-lah ziah p'in-dæ nying-kô, ziu yiu ze, z lih-fah sô ding go væn-nying. ¹⁰ Ziah yiu nying pao-siu long-tsong lih-fah," tæ-n-tsih væn-leh ih-ying, ziu-z long-tsong væn-djôh-de. ¹¹ Ing-we sô wô, "Feh-k'o kæn-ying go yia wô, "Feh-k'o sah *nying*." Næn-kæn ng se-jün feh ky'i kæn-ying, tæ-n-tsih sah *nying*, yia z væn-djôh long-tsong lih-fah. ¹² Keh-lah ng-lah kông shih-wô, tso z-ken, tu kæ ziang tsiang-læ iao be keh sih-fông nying go lih-fah p'un-tön ng-lah ka. ¹³ Feh 'ang dz-pe cü-kwu *pih-ding* we ziu m dz-pe go sing-p'un: tsih-yiu dz-pe cü-kwu ziah be sing-p'un, tsong we ^[1]teh-sing.

⁵ 我親愛個兄弟,用聽。神明難道嚟得揀選世間上個窮人,撥其相信個心富足,好接着其國家個產業;就是其所應許撥箇星愛敬其主顧個?⁶ 難問爾拉是看輕窮人。箇星有佬難道弗是壓勢爾拉,拖爾拉到衙門裏去嗎?⁷ 爾拉稱為基督個門徒;其拉難道弗是謗毀箇尊重個名頭嗎?⁸ 聖書所話,「當該愛惜爾個鄰舍個像自一樣,」箇條頂尊重個律法,爾拉若保守其,就好了。⁹ 爾拉若偏待人家,就有罪,是律法所定個犯人。¹⁰ 若有人保守攏總律法,單只犯了一樣,就是攏總犯着了。¹¹ 因為所話,「弗可姦淫」個也話,「弗可殺人。」難問爾雖然弗去姦淫,單只殺人,也是犯着攏總律法。¹² 箇拉爾拉講說話,做事幹,都該像將來要被箇釋放人個律法判斷爾拉介。¹³ 弗行慈悲主顧必定會受嚟慈悲個審判。只有慈悲主顧若被審判,總會得勝^[1]。

[1] 'Ôh wô, kao-hying. 或話,高興。(原註)

¹⁴ Ngô-go hyüong-di, ih-go nying zi wô yiu siang-sing, ziah m-neh 'ang-ts, yiu soh-go ih-c'ü ni? *Keh-cü-ka* siang-sing næn-dao neng-keo kyi gyi ma? ¹⁵ Kyüô-jü yiu ih-go hyüong-di, 'ôh-tsia tsi-me, c'ih-sing-lu-t'i, ping-ts'ia ky'üih-siao du-nyih-go k'eo-liang; ¹⁶ ng-lah cong-nyiang yiu nying teng gyi-lah wô, "Ng-lah hao en-en-ŵeng-ŵeng ky'i; dæn-nyün ng *c'ün-leh* nyih, *ky'üoh-leh* pao;"——gyi-lah sing-zông sô ky'üih-siao go zi yi m-neh peh gyi; *keh* yiu soh-go ih-c'ü ni? ¹⁷ Z-ka ni,

ziah m-neh 'ang-ts, tsih-yiu siang-sing doh-zi læ-tong, yia z si-go. ¹⁸ Ziah yiu nying wô, "Ng yiu siang-sing, ngô yiu 'ang-ts:" *ts'ing ng pô ng-go 'ang-ts hyin-c'ih ng-go siang-sing peh ngô k'en; ngô ziu we pô ngô-go 'ang-ts hyin-c'ih ngô-go siang-sing peh ng k'en.* ¹⁹ Ng siang-sing Jing-ming z *tsih-yiu ih-we: keh z hao-go: keh-sing ôh-kyü yia z-ka siang-sing, tsih-z hah-leh gwah-gwah-teo.* ²⁰ Hyü-veo-go nying! ng hyiao-teh feh? m 'ang-ts go siang-sing z si-go. ²¹ Ah-lah tsu-tsong Üô-pah-lah-hen hyin gyi-zi-go ng-ts Yi-sah læ tsi-dæn zông, næn-dao feh-z we-leh 'ang-ts sôn kong-yi ma? ²² K'o-kyin siang-sing teng gyi 'ang-ts z bing-'ang-go; ping-ts'ia siang-sing z dzong 'ang-ts ka tso wun-djün. ²³ Sing-shü sô wô, Üô-pah-lah-hen siang-sing Jing-ming, ziu sôn z gyi-go kong-yi, keh-kyü shih-wô yia ing-nyiaen-de: sô-yi yia ts'ing-hwu gyi z Jing-ming-go beng-yiu. ²⁴ Ka k'en-ky'i-læ, nying sôn kong-yi feh tæntsih dzong siang-sing, yia z dzong 'ang-ts. ²⁵ Wa-yiu keh-go gyi-nyü Lah-'eh siu-liu keh-sing ts'a-s, peh gyi-lah dzong bih-da lu tseo-kyü, feh yia z dzong 'ang-ts sôn kong-yi ma? ²⁶ Tsing-ziang kyi-sing m-neh weh-ling z si-go, z-ka siang-sing m-neh 'ang-ts yia z si-go.

¹⁴ 我個兄弟，一個人自話有相信，若嘅得行止，有啥個益處呢？箇株介相信難道能夠救其嗎？¹⁵ 假如有一個兄弟，或者姊妹，出身露體，並且缺少度日個口糧；¹⁶ 爾拉中央有人等其拉話，「爾拉好安安穩穩去；但願爾穿勒熱，喫勒飽；」——其拉身上所缺少個自又嘅得撥其；箇有啥個益處呢？¹⁷ 是介呢，若嘅得行止，只有相信獨自來東，也是死個。¹⁸ 若有人話，「爾有相信，我有行止。」請爾把爾個行止顯出爾個相信撥我看；我就會把我個行止顯出我個相信撥爾看。¹⁹ 爾相信神明是只有一位。箇是好個。箇星惡鬼也是介相信，只是嚇勒刮刮抖。²⁰ 虛浮個人！爾曉得弗？嘅行止個相信是死個。²¹ 阿拉祖宗亞伯拉罕獻其自個兒子以撒來祭壇上，難道弗是爲了行止算公義嗎？²² 可見相信等其行止是並行個；並且相信是從行止介做完全。²³ 聖書所話，亞伯拉罕相信神明，就算是其個公義，箇句說話也應驗了。所以也稱呼其是神明個朋友。²⁴ 介看起來，人算公義弗單只從相信，也是從行止。²⁵ 還有箇個妓女喇合收留箇星差使，撥其拉從別埭路走歸，弗也是從行止算公義嗎？²⁶ 正像肌身嘅得活靈是死個，是介相信嘅得行止也是死個。

Yk. III.

Ngô-go hyüong-di, m-nao tu *siang* tso sin-sang, ing-we hyiao-teh ah-lah tso *sin-sang* go, pih iao ziu kah-nga *nyin-go* p'un-tön. ² Ah-lah kôh-nying tu yiu hyü-to

ts'o-c'ü. Ziah yiu nying shih-wô li-hyang m-neh ts'o-c'ü, keh z wun-djün-go nying, yia neng-keo cü-voh gyi long-tsong kyî-sing. ³ Ts'ia-k'en, ah-lah z pô mô-ziah-ts' fông læ mô k'eo-li iao s-teh gyi i-jing ah-lah; ziu hao ky'ih-cün gyi long-tsong kyî-sing. ⁴ Tsæ k'en keh-sing jün, se-tsih z ka do, yi yiu gwông-fong p'iao-dong gyi, yia we be siao-siao-go do cün-dong, ze lao-da-go cü-i. ⁵ Z-ka," zih-deo z ih-go siao-siao tong-si, yia we kông do-wô. Ts'ia-k'en, ih-lih ho-sing we dziah-diao to-siao jü-moh! ⁶ Zih-deo z-go ho, z-go *mun* shü-kæn-zông go ôh-nyih. Zih-deo læ ah-lah pah-t'i li-hyang yia z-ka, gyi we tang ah-lah weng-sing-go tsih-le, yi we dziah-pin ah-lah ih-sang-ih-si-go ^[1]lu-deo; gyi-zi z be di-nyüoh-li-go *ho* dziah-ky'i-læ. ⁷ Pah-ying fi-gying, tseo-siu, djong-dzi, teng shü-li-go tong-si, gyi-go ^[2]sing-kah tu hao cü-voh, ping-ts'ia z yi-kying ^[3]be nying cü-voh-de: ⁸ tsih-yiu zih-deo, m-nying neng-keo cü-voh gyi; z cü-voh feh-læ-go ôh-nyih, mun-tsôh sah-nying-go doh-yiah. ⁹ Ah-lah yüong-djôh gyi coh-tsæn T'in-Vu Jing-ming; yi yüong-djôh gyi tsiu-mô keh-sing tsiao Jing-ming-go siang-mao zao-c'ih-læ-go nying. ¹⁰ Coh-tsæn teng tsiu-mô tu z c'ih læ tso-dziang k'eo-li. Ngô-go hyüong-di, keh z-ken feh ing-kæ z-ka. ¹¹ Næn-dao shü-nyün dzong ih-go dong-ngæn we üong-c'ih din shü teng kw'u shü læ ma? ¹² Ngô-go hyüong-di, vu-hwô-ko jü, næn-dao we kyih ts'ing-ko ma? 'ôh-tsia bu-dao jü, we kyih vu-hwô-ko ma? Z-ka, m-yiu ih-go shü-nyün we *bing-zi* liu-c'ih 'æn shü teng dæn shü go.

我個兄弟，嚟得好都想做先生，因為曉得阿拉做先生個，必要受格外嚴個判斷。² 阿拉各人都有許多錯處。若有人說話裏向嚟得錯處，箇是完全個人，也能夠制服其攏總肌身。³ 且看，阿拉是把馬嚼刺放來馬口裏要使得其依順阿拉；就好挈轉其攏總肌身。⁴ 再看箇星船，雖即是介大，又有狂風飄動其，也會被小小個舵轉動，隨老大個主意。⁵ 是介，舌頭是一個小小東西，也會講大話。且看，一粒火星會着掉多少樹木！⁶ 舌頭是個火，是個滿世間上個惡孽。舌頭來阿拉百體裏向也是介，其會打阿拉渾身個漬沫，又會着遍阿拉一生一世個路頭^[1]；其自是被地獄裏個火着起來。⁷ 百樣飛禽，走獸，蟲豸，等水裏個東西，其個性格^[2]都好制服，並且是已經被人^[3]制服了。⁸ 只有舌頭，無人能夠制服其；是制服弗來個惡孽，滿足殺人個毒藥。⁹ 阿拉用着其祝讚天父神明；又用着其咒罵箇星照神明個相貌造出來個人。¹⁰ 祝讚等咒罵都是出來做張口裏。我個兄弟，箇事幹弗應該是介。¹¹ 難道水源從一個洞眼會湧出甜水等苦水來嗎？¹² 我個兄弟，無花果樹，難道會結青果嗎？或者葡萄樹，會結無花果嗎？是介，嚟有一個水源會平齊流出鹹水等淡水個。

[1] 'Ôh wô, leng-bun. 或話，輪盤。（原註）

[2] 'Ôh wô, sing-le. 或話，性類。（原註）

[3] 'Oh wô, nying-le. 或話，人類。（原註）

¹³ Ng-lah cong-nyiang jü yiu ts'ong-ming teng kyin-sih ni? Gyi tông-kæ ti-sing-siao-i pô hao 'ang-we hyin-c'ih gyi ts'ong-ming z-ken læ. ¹⁴ Ng-lah ziah-z dzeng tu-gyi tsang-teo-go doh-sing, m-nao c'ô-dæn, yia m-nao mao-c'ong tsing dao-li. ¹⁵ Keh-cong-ka ts'ong-ming feh-z dzong zông-deo ka læ, z dzong shü-dzing, dzong ^[1]s-yüôh, dzong mo-kwe ka læ-go. ¹⁶ Ing-we tu-gyi teng tsang-teo-go sing læ 'ah-li, tsôh-lön teng yiang-yiang ôh z-ken yia læ 'ah-li. ¹⁷ Tsih-yiu dzong zông-deo ka læ-go ts'ong-ming, sin z kyih-zing, 'eo-deo 'o-bing, wëng-ziu, kw'un-'ong, mun-tsôh dz-pe teng ih-ts'ih hao ko-ts, ^[2]feh p'in-dæ nying-kô, feh tso kô-hao-nying. ¹⁸ Wa-yiu kong-yi-go ko-ts, pih iao 'o-moh-go cü-kwu 'o-'o-moh-moh ky'i 'ô gyi-go cong.

¹³ 爾拉中央誰有聰明等見識呢？其當該低聲小意把好行爲顯出其聰明事幹來。¹⁴ 爾拉若是存妒忌爭鬥個毒心，嘸得好扯淡，也嘸得好冒充真道理。¹⁵ 箇種介聰明弗是從上頭介來，是從世情，從私慾^[1]，從魔鬼介來個。¹⁶ 因爲妒忌等爭鬥個心來何裏，作亂等樣樣惡事幹也來何裏。¹⁷ 只有從上頭介來個聰明，先是潔淨，後頭和平，溫柔，寬宏，滿足慈悲等一切好果子，弗偏待人家^[2]，弗做假好人。¹⁸ 還有公義個果子，必要和睦個主顧和和睦睦去下其個種。

[1] 'Oh wô, sing-kah. 或話，性格。（原註）

[2] 'Oh wô, feh teng nying tsang-leng. 或話，弗等人爭論。（原註）

Yk. IV.

Ng-lah-go siang-tsang siang-teo z-ken, dzong 'ah-li ka læ ni? Ky'i feh z dzong ng-lah-go s-yüôh læ ng-lah pah-t'i cong-nyiang kyiao-tsin ma? ² Ng-lah sang t'en-sing, z teh-feh-djôh: ng-lah tu-gyi sah-loh, yia feh neng-keo teh-djôh: ng-lah siang-tsang siang-teo, yi teh-feh-djôh, ing-we ng-lah z feh ky'i gyiu. ³ Ng-lah ky'i gyiu, dzing-gyiu teh-feh-djôh, we-leh ng-lah gyiu-ts'o, iao-siang læ ng-lah s-yüôh li-hyang vông-ky'üoh vông-yüong. ⁴ Ng-lah keh-sing kæn-fu kæn-vu, ky'i feh hyiao-teh kyih-kyiao shü-kæn-zông, z ti-dih Jing-ming ma? Keh-lah iao-siang tso shü-kæn-zông-go beng-yiu cü-kwu, ziu-z Jing-ming-go dziu-dih. ⁵ Sing-shü sô wô, læ ah-lah li-hyang deng-tih-go Sing-Ling næn-dao we dong tu-gyi-go yüôh-sing ma? Ng-lah ts'eng keh-kyü z k'ong-deo-go ma? ⁶ Gyi tsih we kah-nga kô eng-we ts'eo. Sô-yi wô, "Jing-ming gyü-djih kyiao-ngao cü-kwu, s eng-we peh ky'in-hyü-go

nying.”⁷ Ka-ni, ng-lah yüong deo-voh Jing-ming. Yüong gyü-djih mo-kwe, *mo-kwe* ziu we li-k'æ ng-lah ky'i.⁸ Yüong ts'ing-gying Jing-ming, *Jing-ming* ziu we ts'ing-gying ng-lah. Ng-lah ze-nying, siu yüong gyiang-leh ken-zing: ng-lah nyi-'ôh peh-kyüih-go cü-kwu,” sing yüong long-leh kyih-zing.⁹⁷ Yüong zi 'eng zi, pe-shông, di-k'oh. Ng-lah-go hyi-siao kæ diao-leh pe-shông; ng-lah-go kw'a-lôh kæ diao-leh iu-meng.¹⁰ Læ Cü-go min-zin yüong ti-sing-siao-i; *Cü* ziu we kyü ng-lah zông-ky'i.

爾拉個相爭相鬥事幹，從何裏介來呢？豈弗是從爾拉個私慾來爾拉百體中央交戰嗎？² 爾拉生貪心，是得弗着。爾拉妒忌殺戮，也弗能夠得着。爾拉相爭相鬥，又得弗着，因為爾拉是弗去求。³ 爾拉去求，仍舊得弗着，爲了爾拉求錯，要想來爾拉私慾裏向妄喫妄用。⁴ 爾拉箇星姦夫姦婦，豈弗曉得結交世間上，是抵敵神明嗎？箇拉要想做世間上個朋友主顧，就是神明個仇敵。⁵ 聖書所話，來阿拉裏向庵的個聖靈難道會動妒忌個慾心嗎？爾拉忖箇句是空頭個嗎？⁶ 其只會格外加恩惠湊。所以話，「神明拒絕驕傲主顧，賜恩惠撥謙虛個人。」⁷ 介呢，爾拉用投伏神明。用拒絕魔鬼，魔鬼就會離開爾拉去。⁸ 用親近神明，神明就會親近爾拉。爾拉罪人，手用澆勒乾淨；爾拉疑惑不決個主顧，心用弄勒潔淨。⁹ 用自恨自，悲傷，啼哭。爾拉個嬉笑該調勒悲傷；爾拉個快樂該調勒憂悶。¹⁰ 來主個面前用低聲小意；主就會舉爾拉上去。

¹¹ Hyüong-di, m-nao dô-kô pông-hwe. Pông-hwe hyüong-di, p'i-bing hyüong-di cü-kwu, ziu-z pông-hwe lih-fah, p'i-bing lih-fah. Ng ziah-z p'i-bing lih-fah, ziu feh z i-dzong lih-fah go nying, z p'un-tön lih-fah go nying.¹² Zao lih-fah go cü-kwu z *tsih-yiu* ih-we: Gyi neng-keo kyi nying, *neng-keo* mih-diao nying. Ng z jü, hao p'un-tön bih-nying ma?

¹¹ 兄弟，嚙得好大家謗毀。謗毀兄弟，批評兄弟主顧，就是謗毀律法，批評律法。爾若是批評律法，就弗是依從律法個人，是判斷律法個人。¹² 造律法個主顧是只有一位。其能夠救人，能夠滅掉人。爾是誰，好判斷別人嗎？

¹³ Ng-lah læ-tih wô, Kyih-mih 'ôh-tsia ming-tsiao, ah-lah z tao mo zing-li ky'i, læ keh-deo deng ih-nyin, tso-tso sang-i, dzæn-tin dong-din;¹⁴ 'Æ, ng-lah feh hyiao-teh ming-tsiao z dza-go de! Ng-lah-go sing-ming ziang soh-si yia? *K'o-pi* vu-lu, dzæn-z læ-tong *hweh-jün* sæn-k'æ-de.¹⁵ Ng-lah *tsong* kæ ka wô, “Cü, ziah hwunhyi *peh* ah-lah tso-nying, *ah-lah* ziu hao ka tso, 'ôh-tsia ka tso.”¹⁶ Næn-kæn ng-lah kao-kao-hying-hying læ-tih kw'ô zi-go k'eo. Keh-cü-ka kw'ô-k'eo tu z wä-go.¹⁷ Ka-ni, hyiao-teh tso hao, feh ky'i tso go cü-kwu, gyi yiu ze.

¹³ 爾拉來的話，今末或者明朝，阿拉是到某城裏去，來箇頭庵一年，做做生意，賺點銅鈔。¹⁴ 噶，爾拉弗曉得明朝是咋個了！爾拉個性命像啥西呀？可

比霧露，暫時來東忽然散開了。¹⁵ 爾拉總該介話，「主，若歡喜撥阿拉做人，阿拉就好介做，或者介做。」¹⁶ 難問爾拉高高興興來的誇自個口。箇株介誇口都是壞個。¹⁷ 介呢，曉得做好，弗去做個主顧，其有罪。

Yk. V.

‘Æ! ng-lah keh-sing zæ-cü! we-leh iao ling-djôh ng-lah go næn-deo, yüong ‘ao-li-da-k’oh. ² Ng-lah-go dzæ-veh yi-kying wæ-diao-de, ng-lah-go? i-zông yi-kying cü-diao-de. ³ Ng-lah-go kying-ts nying-ts z fah-siu-de: ping-ts’ia keh fah-siu-go we tso ‘æ ng-lah go te-tsing, yia we ziang ho ka, ky’üoh-mah ng-lah-go nyüoh. ⁴ Ng-lah z *we-leh* kyih-sah-go nyih-ts tsih-hyüoh-kæn-go, Ts’ia-k’en, keh-sing teng ng-lah keh-dao-go din-deo-nying, ng-lah sô yiu-iah gyi-go kong-din, læ-tih su-ün: wa-yiu keh-sing keh-dao cü-kwu-go su-ün yi-kying tseo-tsing keh-we t’in-ping-t’in-tsiang Cü-go ng-to-li. ⁵ Ng-lah læ shü-kæn-zông yi-kying shæ-wô tsôh-lôh, yiang-tsôh ng-lah-go ling-sing, ôh-ziang sang-k’eo *tæn-teng* sah-go nyih-ts *tao*. ⁶ Ng-lah yi-kying ding kong-yi nying-go ze, sah-diao gyi: gyi yia feh læ tsu-djü ng-lah.

嗜！爾拉箇星財主！爲了要臨着爾拉個難頭，用號淚大哭。² 爾拉個財物已經壞掉了；爾拉個衣裳已經蛀掉了。³ 爾拉個金子銀子是發鏽了；並且箇發鏽個會做害爾拉個對證，也會像火介，喫沒爾拉個肉。⁴ 爾拉是爲了結煞個日子積蓄間個，且看，箇星等爾拉割稻個田頭人，爾拉所誘押其個工鈿，來的訴冤；還有箇星割稻主顧個訴冤已經走進箇位天兵天將主個耳朵裏。⁵ 爾拉來世間上已經奢華作樂，養足爾拉個靈性，惡像牲口單等殺個日子到。⁶ 爾拉已經定公義人個罪，殺掉其；其也弗來阻住爾拉。

⁷ Sô-yi, hyüong-di, ng-lah yüong *djông-djông* jing-næ, teng-dæ Cü læ-go nyih-ts. Ts’ia-k’en, cong-din-nying siang-vông din-li-go hao-hao c’ih-ts’æn, we næ-næ-sing-sing teng-dæ gyi, teng-tao teh-djôh zin ‘eo keh liang-dziao yü. ⁸ Ng-lah yia kæ *djông-djông* jing-næ; kyin-kwu ng-lah-go sing: ing-we Cü læ-go nyih-ts yi-kying gying-de. ⁹ Hyüong-di, m-nao dô-kô ün-‘eng, sæn-leh ding ng-lah ze. Ts’ia-k’en, keh-we sing-p’un-go Cü lih læ meng-k’eo de.

⁷ 所以，兄弟，爾拉用常常忍耐，等待主來個日子。且看，種田人想望田裏個好好出產，會耐耐心心等待其，等到得着前後箇兩潮雨。⁸ 爾拉也該常常忍

耐；堅固爾拉個心。因爲主來個日子已經近了。⁹ 兄弟，嚟得好大家怨恨，省勒定爾拉罪。且看，箇位審判個主立來門口了。

¹⁰ Ngô-go hyüong-di,” keh-sing k’ao-djôh Cü ming-deo kông dao-li go sin-cü-nying, ng-lah hao pô gyi tso ky’üoh-kw’u we jing-næ go pông-ying. ¹¹ Keh-sing jing-næ tao-ti go, ah-lah sön gyi yiu foh-ky’i. Ng-lah yi-kying t’ing-meng lah-pah-go jing-næ; yia hyiao-teh Cü ‘eo-deo z dza-go,” z ting dz-pe, ting æ-lin-go.

¹⁰ 我個兄弟，箇星靠着主名頭講道理個先知人，爾拉好把其做喫苦會忍耐個榜樣。¹¹ 箇星忍耐到底個，阿拉算其有福氣。爾拉已經聽聞約伯個忍耐；也曉得主後頭是咋個，是頂慈悲，頂哀憐個。

¹² Ngô-go hyüong-di, ting iao-kying, m-nao vah-tsiu. Yia m-nao tin-djôh t’in, yia m-nao tin-djôh di, yia m-nao tin-djoh bih-ying tong-si vah-tsiu: tsih iao ng-lah z-go, wô z; feh z-go, wô feh z; sæn-leh ng-lah ‘æn-lôh læ ze-li.

¹² 我個兄弟，頂要緊，嚟得好罰咒。也嚟得好點着天，也嚟得好點着地，也嚟得好點着別樣東西罰咒。只要爾拉是個，話是；弗是個，話弗是；省勒爾拉陷落來罪裏。

¹³ Ng-lah-go cong-nyiang yiu ky’üoh-kw’u-go cü-kwu, yüong tao-kao; yiu hwun-lôh-go cü-kwu, yüong ts’ông s. ¹⁴ Ng-lah-go cong-nyiang yiu sang-bing-go nying, yüong ts’ing kyiao-we-li keh-sing tsiang-lao læ; gyi-lah yüong k’ao-djôh Cü-go ming-deo, pô yiu fu-fu gyi, dæ gyi tao-kao. ¹⁵ Keh yiu siang-sing go tao-kao hao kyiuh keh-go bing-nying; Cü ziu we peh gyi bô-ky’i: gyi ziah yiu ze væn-ko, yia we sô-diao gyi. ¹⁶ Ng-lah kôh-nying yüong dô-kô tsiao-jing zi-go ko-shih, ping-ts’ia yüong ng t’i ngô, ngô t’i ng, dô-kô tao-kao; s-teh ng-lah-go bing we hao Kong-yi nying-go hyüih-sing tao-kao do yiu gying-dao. ¹⁷ Yi-li-üô z ih-go teng ah-lah sing-dzing siang-dong-go nying. Gyi hyüih-sing gyiu feh lôh yü; zin yiu sæn nyin ling loh-ko yüih yü-tin feh lôh di. ¹⁸ ‘Eo-deo gyi gyiu yü; t’in ziu lôh-yü-de, di yia fah-c’ih t’u-ts’æn læ.

¹³ 爾拉個中央有喫苦個主顧，用禱告；有歡樂個主顧，用唱詩。¹⁴ 爾拉個中央有生病個人，用請教會裏箇星長老來；其拉用靠着主個名頭，把油傳傳其，待其禱告。¹⁵ 箇有相信個禱告好救箇個病人；主就會撥其爬起。其若有罪犯過，也會赦掉其。¹⁶ 爾拉各人用大家招認自個過失，並且用爾替我，我替爾，大家禱告；使得爾拉個病會好。公義人個血心禱告大有勁道。¹⁷ 以利亞是一個等阿拉性情相同個人。其血心求弗落雨；前有三年零六個月雨點弗落地。¹⁸ 後頭其求雨；天就落雨了，地也發出土產來。

¹⁹ Hyüong-di, ng-lah-go cong-nyiang ziah yiu li-k'æ tsing *dao-li* tseo ts'ô-lu go cü-kwu, jü ziah ling gyi cün-læ hao hyiao-teh, peh ze-nying dzong gyi ts'ô-lu tseo-cün cü-kwu, z kyiuh-go weh-ling c'ih si-lu, yia we tsô-kæ hyü-to ze-ky'in.

¹⁹ 兄弟，爾拉個中央若有離開真道理走岔路個主顧，誰若領其轉來好曉得，撥罪人從其岔路走轉主顧，是救一個活靈出死路，也會遮蓋許多罪愆。